

BAB KEDUA

RIWAYAT HIDUP MAFSAH BINT 'UMAR IBN AL KHATTĀB.

BAB KEDUA

RIWAYAT HIDUP HAFSAH BINT UMAR IBN AL KHATTAB.

Hadīth adalah sumber kedua kepada perundangan Islam selepas al Qur'ān dimana ia berfungsi menghuraikan al Qur'ān. Hadīth hadīth ini terbahagi kepada beberapa bahagian.

Periwayat hadīth hadīth Rasūlullāh (s. a.w.) adalah adalah mereka yang rapat dengan baginda, di mana mereka adalah dari isteri isteri baginda, para sahabat dan kaum keluarga baginda. Di sini ingin dibentangkan salah seorang dari perawi hadīth baginda ia itu Hafsah Bint 'Umar al Khattāb yang juga salah seorang dari isteri isteri baginda. Sebelum dibentangkan hadīth hadīth riwayat 'Ummu al Mu'minin ini, elok dikenali dulu latar belakang periwayat ini melalui riwayat hidupnya.

2.1. Keturunan Dan Latar Belakang Hafsah (r. 'a.).

Hafsah Bint 'Umar Ibn al Khattāb Ibn Nufayl Ibn 'Abd al 'Uzza Ibn Rabah Ibn Qurt Ibn Razah Ibn Adiy Ibn Ka'b Ibn Luayy. Manakala nasab dari sebelah ibunya ialah Zaynab Bint

61
 Maz'un Ibn Hubayb Ibn Hudhayfah Ibn Jumah. Ibunya bersaudara dengan Uthman Ibn Maz'un. Dari nasab yang dikemukakan itu difahankan keturunan beliau bertemu dengan keturunan Rasūlullāh (s. 'a.w.) pada peringkat datuk yang ke 7 dari Nabī (s. 'a.w.) dan peringkat datuk yang ke 8 dari 'Umar Ibn al Khattāb.

Manakala dari sebelah ibunya pula nasab Hafṣah bertemu dengan nasab Rasūlullāh (s. 'a.w.) pada peringkat datuk yang ke 6. 62

2.2. Kelahirannya.

Hafṣah lahir 5 tahun sebelum perlantikan Muḥammad al Amin sebagai Rasūlullāh, 63
 iaitu ketika penduduk Makkah sedang membina kembali Ka'bah yang mengalami kerosakan akibat banjir, 64
 di mana di waktu inilah Allāh (s.w.t.) telah menonjolkan kebijaksanaan Muḥammad al Amin.

61
 Al Wāqidi, Al Tabaqāt al Kabīr, J. iii (Liedan: Brail, 1321 H.) h. 56.

62
 Ibn al Athīr, Izz al Dīn, Und Ghābah Fi Ma rifat al Sahābah J. iv (Kahīrah: Dār Sha'bi, 1393 H.) h. 75.

63
 Akmal Hj. Mohd. Zain dan Mohd. Shafwan Aminullah, Isteri-isteri Rasūlullāh, (Kuala Lumpur: al Mizan, 1987) h. 59.

64
 Al Bundak Aḥmād Ṣalīb, Fi Suhbat Nabī, (Beirūt: Dār al 'Afaq al Jadidah, 1399 H.) h. 50.

65
 Al Nawawī, Abu Zakaryyā Maḥy al Dīn, Tadhziib al Asmā' wa al Lughāt, J. vii (Kahīrah: al Munir, 1922) h. 239.

Ini bermakna kelahiran Hafsa sama dengan kelahiran Fatimah bint Muḥammad, namun corak penerimaan dari kedua bapa kepada anak-anak itu berbeza. Nabi Muḥammad (s.⁴ a.w.) telah menerima berita itu dengan gembira berbeza dengan Umar yang menerimanya dengan perasaan marah. Ini adalah kerana menurut adat jahiliyah anak perempuan adalah sesuatu yang hina, sebagaimana yang dinyatakan di dalam al Qur'an:

67 وَإِذَا بُشِّرَ أَحَدُهُم بِالْأُنثَىٰ ظَلَّ وَجْهُهُ مُسْوَدًّا وَهُوَ كَظِيمٌ

Dan apabila dikhabarkan kepada seseorang dari mereka bahawa ia memperolehi anak perempuan, muramlah mukanya sepanjang hari (kerana menanggung duka cita) sedang ia menahan marahnya.

Hafsa dididik dan diasuh oleh ibunya di dalam golongan keluarga yang mulia dan disegani di kalangan masyarakat Quraysh

3.3. Memeluk Islam.

Muḥammad al Amin dilantik oleh Allah (s.w.t.) menjadi pesuruhnya sesudah 5 tahun kelahiran Hafsa (r.⁴ a.). Dakwah Rasūlullah yang mengajar aqidat yang benar serta menyuruh meninggalkan penyembahan berhala dan tradisi jahiliah

telah mendapat tentangan yang hebat dari orang-orang Quraysh terutama dari golongan bangsawan. Umar Ibn al Khattab adalah salah seorang bangsawan Quraysh yang begitu kuat menentang Islam samada secara lisan mahupun tenaga, dan tanpa mengira tempat samada di Dār al Nadwah ataupun di rumahnya.

Walaubagaimanapun dengan hidayat dari Allah (s.w.t.) serta doa dari RasulNya (s. a.w.) telah membuka pintu hati Umar untuk menerima Islam. Beliau kemudiannya memerintahkan ahli keluarganya agar memeluk Islam, lalu terdidiklah Hafsah mengikut ajaran Islam hingga melahirkan sifat-sifat yang mulia dan terpuji.

2.4. Perkahwinan (r. a.) Yang Pertama.

Setelah meningkat remaja, ditambah dengan keelokan rupa dan perangnya telah mengharumkan nama Hafsah di kalangan para pemuda Arab. Beliau kemudiannya berkahwin dengan seorang pemuda Quraysh yang bernama Khunais Ibn Hudhafah al Salmi. Ia adalah salah seorang dari umat Islam yang berhijrah ke Habshah.

Beliau adalah saudara kepada Abd Allāh Ibn Hudhafah yang diutuskan oleh Nabi Muḥammād (s. a.w.) menemui Kaisar Rom.⁷⁰ Beliau adalah seorang yang pemurah dan berbudi pekerti mulia.

2.5. Hijrah Ke Madīnat.

Keganasan dan kekejaman kaum Quraysh terhadap umat Islam semakin meningkat terutama sekali kepada umat Islam dari golongan miskin dan lemah.

Walaupun Hafṣah dan Khunais tidak disiksa sebagaimana umat Islam lain kerana mereka dari keluarga 'Umar al Khattāb yang ditakuti, tetapi sedikit sebanyak ia telah mengugat ketenangan mereka. Lalu Rasūlullāh (s. a.w.) telah memberi kebenaran kepada umat Islam untuk sekali lagi berhijrah, kali ini ke Madīnat, di mana mereka akan memperolehi perlindungan dan ketenangan. Antara umat Islam yang berhijrah termasuklah Khunais dan isterinya Hafṣah di mana di sana mereka akan terus berjuang menegakkan syi'ar Islam.

2.6. Menjadi Janda.

Setelah 2 tahun terdirinya kerajaan Islam di al Madīnat al Munawwarat, orang-orang Islam terlibat dalam satu peperangan dengan Musyrykin Makkah. Peperangan ini berlaku di bulan mulia

Ranadān di suatu tempat bernama Badr dan mengambil sempena nama tempat tersebut, maka peperangan itu dinamakan peperangan Badr.

Ramailah umat Islam yang menyahut seruan jihad di jalan Allah itu termasuklah Khunais Ibn Hudhafah ia itu suami kepada Hafsaah Bint Umar Ibn al Khattāb.

Walaupun umat Islam berjaya di dalam peperangan ini, namun ramai juga tentera tentera Islam yang shahid. Antaranya ialah Khunais Ibn Hudhafah di mana beliau mendapat luka parah dalam usaha menegakkan agama dan aqidatnya.

Berita tentang keshahidan Khunais telah disampaikan kepada Hafsaah yang menerimanya dengan sedih kerana kehilangan tempat berlindung, tetapi merasa bangga kerana kematiannya itu demi menegakkan agama Allah.

2.7. Berkahwin Dengan Rasūlullāh (s. 'a.w.).

Selepas kematian suaminya Hafsaah (r. 'a.) sentiasa berduka cita dan sedih. Ini menyebabkan perasaan ayahnya turut

tertekan, lalu timbullah niat di hatinya untuk mencari suami kepada anaknya agar ia dapat melupakan kesedihan itu.

Maka jatunlah pilihannya ke atas Abī Bakr Ibn Qaḥāfah ia itu sahabat setia Rasūlullāh (s. 'a.w.) yang juga mertuanya. Pilihan ini berdasarkan kewibawaan, ketuaan, budi pekertinya yang pemaaf dan tabiatnya yang tenang dikira dapat menghadapi Hafṣah yang bersifat gelisah dan pesimis. Lalu 'Umar pun pergi menemui Abī Bakr dan membincangkan hal Hafṣah, di mana kemudian nya 'Umar menawarkan agar Abī Bakr mengahwini Hafṣah. Tetapi aaranaan itu tidak dijawab oleh Abī Bakr.

'Umar yang merasa marah dengan sikap Abī Bakr itu telah pergi ke rumah 'Uthmān Ibn 'Affān yang baru kematian isterinya Ruqayah Bint Rasūlullāh yang ditimpa penyakit campak sekembali dari Habṣyah. Beliau meninggal dunia semasa umat Islam sedang berperang di Badr. 'Umar yang bersimpati dengan kesedihan yang dialami oleh 'Uthmān cuba menawarkan Hafṣah. 'Uthmān meminta masa untuk berfikir, dan bilamana 'Umar menemuinya beberapa

71. Aishah 'Abd Raḥmān, Tarājum Sayidat Baṭī al Nubuwwah, (Beirūt: Dār al Kitāb al 'Arabī, 1965) h. 291.

72. Al Haliwi, Mohamṣūd Yūsuf, Hayātī al Ṣaḥābat Radiu Allāh Anhum Waradu Anhu, (Damask, Dar Qalm, 1979) h. 410.

73. Aishah 'Abd Raḥmān, Op. cit. h. 292.

itu kemudian, beliau mengatakan yang beliau masih belum mahu
berkahwin semula. Merah padam muka 'Umar mendengar jawapan
itu dan sambil menahan kemarahannya beliau pergi ke rumah
Rasūlullāh (s. 'a.w.) dan menceritakan perilaku ke dua dua
sahabat itu, lalu Rasūlullāh (s. 'a.w.) membenarkan hasil 'Umar
sambil menerangkan yang Hafshah akan berkahwin dengan orang
yang lebih baik dari 'Uthmān dan Abi Bakr, dan 'Uthmān akan
berkahwin dengan wanita yang lebih baik dari Hafshah.⁷⁴ Dengan
itu fahamlah 'Umar bahawa Rasūlullāh (s. 'a.w.) sendiri akan
mengahwini Hafshah, kerana tiada lagi orang yang lebih baik
dari Abi Bakr dan 'Uthmān selain Rasūlullāh (s. 'a.w.).

Beliau kemudiannya bertemu dengan Abi Bakr, lalu Abi
Bakr menceritakan bahawa Rasūlullāh pernah menyebut tentang
Hafshah. Sekiranya baginda tidak jadi mengahwiniinya maka Abi
Bakr akan mengahwiniinya.

Lalu berlangsunglah perkahwinan antara Hafshah binti 'Umar

1. Khatib dengan Rasulullah (s. 'a.w.) pada bulan Sha'ban 75
tahun ke tiga hijrah dengan mas kahwin sebanyak 500 dirham. 76

4.8. Rasulullah (s. 'a.w.) Menceraikan Hafsa (r. 'a.).

Kedatangan Hafsa ke rumah Rasulullah (s. 'a.w.) dengan kesetemuannya dari segi umur dan keturunan telah menimbulkan rasa iri hati di hati 'Aishah (r. 'a.). Malah bagaimanapun beliau cuba berbaik dengan Hafsa, agar dapat dijadikan sahabat yang paling rapat dalam menghadapi isteri-isteri Rasulullah (s. 'a.w.) yang lain dan hasrat ini berjaya. Manakala Hafsa sendiri menghormati 'Aishah sebagai orang yang lebih awal mendiami rumah Rasulullah (s. 'a.w.) dan mendapat tempat yang istimewa di hati baginda. Ini menyebabkan Hafsa meniru niru perangai 'Aishah.

Kedua ini disedari oleh 'Umar, lalu beliau menasihati anaknya dengan katanya:

Siapalah engkau jika dibandingkan dengan 'Aishah 76
dan siapalah ayahmu jika dibandingkan dengan ayahnya

75. Al-Qasim Abi 'Abbas 'Amr, Wasit al-Islam fi al-Nabi, (t.t.: Dar al-'Arabi al-Islami, t.t.) h. 50.

76. Al-Jumal, Ibrahim, Mohammad Hassan, Wasit al-Nabi Muhammad (Kuala Lumpur: Maktabah Wahabah, 1983) h. 50.

Tetapi Hafṣah tetap dengan perangnya hinggakan di-
putu ketika beliau telah membuatkan Rasūlullāh sarah sehari
untuk. Hal ini menyebabkan 'Umar berterus terang tentang
kedudukannya disini: Rasūlullāh (s. a. w.) dengan katanya:

Demi Allāh, Sebenarnya saya tahu Rasūlullāh tidak
mencintaimu dan sekiranya tidak karena saya tentulah
baginda sudah menceraikan engkau.

Setengah ahli sejarah mengatakan punca Rasūlullāh
(s. a. w.) menjatuhkan taluq kepada Hafṣah adalah kerana sifat
78
beliau yang melampau. Ini dapat dilihat dari peristiwa Nabi
bertemu dengan isterinya Maria di rumah Hafṣah. Ini telah
menyebabkan Hafṣah merasa terhina dan teringat kata kata
ayahnya dulu. Rasūlullāh (s. a. w.) kemudiannya memujuknya dan
mengatakan bahawa Maria haram kepada baginda, dan baginda
mengingatkan kepadanya supaya jangan memberitahu hal itu kepada
orang lain tetapi Hafṣah telah menceritakannya kepada 'Aishah
yang selama ini begitu iri hati kepada Maria.

Hal ini diketahui oleh Rasūlullāh (s. a. w.) menerusi
wahyu dari Allāh (s. w. t.):

'Aishah 'Abd Rahmān, Op. cit.

Al Qasṭīnī, Abu 'Abbās 'Ahmād, Op. cit.

وَإِذَا أَسْرَأَ النَّبِيُّ إِلَى بَعْضِ أَزْوَاجِهِ حَدِيثًا فَلَمَّا بَيَّنَّاتُ بِهِ. وَأَظْهَرَهُ اللَّهُ عَلَيْهِ عَرَفَ بَعْضُهُ
 79 وَأَعْرَضَ عَنْ بَعْضٍ فَلَمَّا بَيَّنَّا هَاهُنَا. قَالَتْ مَنْ أَبْنَاكَ هَذَا قَالَ بَنَانِي الْعَلِيمُ الْخَيْرُ

Dan ingatlah ketika Nabi (p. a.w.) memberitahu secara rahsia kepada salah seorang dari isterinya satu peristiwa. Maka setelah dia menceritakan peristiwa itu kepada yang lain, dan Allah (s.w.t.) memberitahukan hal itu kepada Muhammad, lalu baginda memberitahukan pertitaraan itu kepada Hafsa, beliau bertanya siapakah yang memberitahukan hal ini kepada mu. Nabi (p. a.w.) menjawab Allah yang memberitahukan lagi amat dalam pengetahuannya.

Peristiwa ini menimbulkan kemarahan Rasulullah (p. a.w.) lalu Allah (s.w.t.) menyentakkan kedua duanya supaya bertautat Nasuha, sebagaimana Firman Allah (s.w.t.):

إِنْ تَتُوبَا إِلَى اللَّهِ فَقَدْ صَغَتْ قُلُوبُكُمَا وَإِنْ تَظَاهَرَا عَلَيْهِ فَإِنَّ اللَّهَ هُوَ مَوْلَاهُ وَجِبْرِيلُ
 80 وَصَالِحُ الْمُؤْمِنِينَ وَالْمَلَائِكَةِ بَعْدَ ذَلِكَ ظَهِيرٌ

Jika kamu berdua bertautat kepada Allah (maka isteri isteri Nabi) maka sesungguhnya hati kamu berdua telah condong (untuk menerima ketahuan), dan jika kamu berdua bantu-membantu menyembuhkan hal itu, maka sesungguhnya Allah adalah pelindungnya dan begitu juga Jibril dan orang-orang mukmin yang baik dan selain dari itu malaikat-malaikat adalah penolongnya.

Setengah ahli sejarah menambah bahawa talaq ke atas Hafsa adalah berikutan amaran yang dibuat oleh Allah (s.w.t.) agar mereka tidak menyusahkan Nabi Muhammad (s. a.w.) dalam hal hal yang berkaitan dengan Zaynab bint Jahsh dan madu yang diminum oleh Nabi (s. a.w.) di rumahnya.⁸¹

2.9. Rujuk Kembali.

Terdapat bermacam macam pendapat mengenai sebab Nabi (s. a.w.) rujuk kembali kepada Hafsa. Antaranya ada yang mengatakan kerana menghormati ayahnya ia itu 'Umar al Khattab. Diriwayatkan apabila sampai berita tentang talaq Nabi (s. a.w.) ke atas Hafsa, 'Umar telah menaburkan pasir ke kepalanya dan berkata:

Allah tidak memperdulikan 'Umar dan anaknya.⁸²

Di dalam riwayat lain pula mengatakan bahawa Jibril telah turun mendapatkan Nabi Muhammad (s. a.w.) dan berkata:

⁸¹ Muhammad Mokhtar, Mawākib al Sirat al Nabawiyat, (Qatar: Dar al Thaqafat, 1985) h. 41.

⁸² Al 'Asqalani, Syibab al Din Abi Fadl, Al Isha'at fi Tamyiz al Sahabat, J. iv (Baghdad: al Munthana, 1325 H) h. 275.

Rujuklah kepada Hafsaah kerana ia seorang wanita yang sering berpuasa dan kuat beribadat di malam hari.⁸³ Sesungguhnya dia adalah isteri di ahir kelak.

lalu Rasūlullāh (s. 'a.w.) pun rujuk kembali kepada Hafsaah.

Di suatu ketika di mana Nabi Muḥammād (s. 'a.w.) telah mengasingkan diri dari isteri isterinya selama sebulan kerana isteri isterinya telah berpakat menuntut nafkah dari baginda sedangkan di masa itu baginda tidak mempunyai sesuatupun untuk diberikan. Pengasingan ini telah menimbulkan cerita bahawa Rasūlullāh telah menelakan semua isteri isteri baginda.

Setelah berita itu sampai kepada 'Umar, beliau berusaha untuk berjumpa Rasūlullāh (s. 'a.w.) di tempat pengasingannya. Setelah berulang kali mencuba akhirnya beliau berjaya menemui baginda, lalu ditanya tentang kenahihan berita tersebut. Nabi Muḥammād (s. 'a.w.) menafikannya dan menerangkan yang baginda hanya mengasingkan diri dari mereka sahaja. Lalu dengan hati yang tenang, 'Umar membawa perkhabaran itu ke Masjid. Nabi Muḥammād (s. 'a.w.) kemudiannya turut sama berangkat ke masjid, lalu berakhirilah pengasingan baginda.

2.10. Perubahan Sikap Hafsaah (r.⁴ a.).

Sikap semula jadi Hafsaah ialah cepat marah dan kadang-kadang menjawab kata kata Rasulullah (s.⁴ a.w.).⁸⁴ Bagaimanapun akibat dari peristiwa tersebut telah merubah sikapnya menjadi seorang isteri yang taat, salih dan zuhud.

2.11. Selaras Kewafatan Rasulullah (s.⁴ a.w.)

Rasulullah (s.⁴ a.w.) wafat pada hari Isnin 12 Rabi ul awal tahun ke sebelas hijrah ketika Hafsaah berumur 28 tahun. Semenjak itu Hafsaah sentiasa berada di rumahnya dan menumpukan sepenuh perhatian untuk beribadat dan menazarkan dirinya dan apa yang dimilikinya hanya bagi Allah sehingga beliau terkenal sebagai seorang yang kuat berpuasa, sembahyang malam dan amanah⁸⁵

Beliau dikatakan mendapat 10,000 dirham setahun dari Baitulmal, walaubagaimanapun dikatakan bayaran sebanyak itu

84

Afzalur Rahman, Isteri Isteri Rasulullah Dan Kepahlawanan Wanita Islam, Terjemahan Ummu Urwah (Kuala Lumpur: Pustaka Salam, 1987) h. 10

85

Mohd. 'Ali Quthub dkk, 12 Wanita Terpujian Dunia Akhirat, terjemahan Siti Amanah Suhri (Singapore: Pustaka Nasional, 1980) h. 77.

nyalah di masa pemerentahan ayahanda saja. Namun begitu sebahagian besar dari wang tersebut dikekalkan kepada fakir miskin dan sesapa yang memerlukan bantuan.

Beliau juga menjadi tempat tumpuan pertanyaan dari orang ramai yang hendak mencari ilmu pengetahuan terutama dalam hal hal keagamaan. Semua jawapan yang diberikan adalah dari apa yang diketahui dari Rasūlullāh (s. a. w.). Beliau tidak suka mencampuri hal hal politik kecuali dalam perkara yang berhubung dengan persatuan dan kemaslahatan umat Islam.

Beliau terpilih diantara isteri isteri Rasūlullāh (s. a. w.) untuk menyimpan nashaf tulisan tangan al Qur'ān yang pada mulanya disiapkan oleh Abū Bakr dan diserahkan kepada 'Umar selepas kematiannya. 'Umar kemudiannya mewariskannya kepada Hafṣah, memandangkan Hafṣah bukanlah seorang yang senang di dekati dan dengan ini salinan itu akan terpeliharakan di tangan beliau. Kekallah nashaf itu di tangan beliau sehinggalah ianya diambil oleh Sayyidina Uthmān di masa pemerentahannya yang kemudiannya menyalinnya menjadi 4 salinan dan dibahagi kepada kota kota besar. Selepas itu beliau mengembalikannya kepada Hafṣah.

2.12. Selapaan Kewafatan 'Umar Ibn al Khattāb.

Sayidina 'Umar Ibn al Khattāb ditikam dengan belati beracun ketika sembahyang di Mihrab oleh Abu Lu'lu al Majusi, yang mengakibatkan kematian beliau.

Semenjak kewafatan ayahandanya, Hafṣah mengurung diri di rumahnya dan mendekatkan diri kepada Allāh serta menjauhkan diri dari orang ramai demi menjaga dan menghindarkan diri dari keburukan dan dosa.

Semasa umat Islam menghadapi fitnah besar akibat dari pembunuhan Khalifah 'Uthmān yang kemudiannya mencetuskan satu perbalahan antara umat Islam. 'Ummu al mu'minin 'Aishah yang sedang bersiap siap dengan bala tenteranya untuk menuntut bela di atas kematian 'Uthmān yang akhirnya mencetuskan perang Jamal telah meminta Hafṣah untuk menemaninya. Hafṣah yang merasa segan untuk menolak permintaan itu telah bersiap siap untuk keluar tetapi setelah diberi nasihat oleh saudaranya 'Abd Allāh Ibn 'Umar, Hafṣah membatalkan niatnya itu kerana melaksanakan firman Allāh (s. w. t.):

82

وَقَرْنَ فِي بُيُوتِكُنَّ

Dan berduka dirilah kamu di rumah kamu.

Ketika Sayyidina 'Ali (k.w.) shahid, keadaan negara menjadi kucar kacir dan rakyat berpecah belah, namun Hafsa tetap tinggal di rumahnya di Madinat al Munawwarat kecuali untuk menunaikan Haji dan Umrah.

Walaupun bagaimanapun terdapat riwayat yang mengatakan bahwa Hafsa pernah memujuk saudaranya 'Abd Allāh Ibn 'Umar supaya menuntut kedudukan Khalifah selepas peperangan Siffin tetapi telah ditolak.

2.13. Hadith hadith Riwayat Hafsa (r.'a.).

Beliau telah meriwayatkan hadith hadith dari Rasūlullāh (p.'a.w.), ayahnya 'Umar Ibn Khatṭāb dan saudaranya 'Abd Allāh sebanyak 60 buah hadith. Daripada hadith hadith tersebut Imam Bukhārī dan Imam Muslim bersepakat dalam tiga buah hadith dan Imam Muslim secara individu meneschkan enam buah hadith.

Hadith hadith riwayat beliau dalam kedua dua kitab Sahih itu sepuluh di antaranya adalah sepakat Imam Bukhārī dan Imam Muslim, di mana Imam Muslim meneschkan enam buah hadith dan Imam

⁸⁸ Umar Raza, 'Alam al Nisā, J. 1 (Damghik: Mu'assasat al Risalat, 1966) h. 27.

Bukhari mengemukakan empat buah hadith.

Perawi perawi hadith beliau adalah saudara 'Abd Allāh Ibn 'Umar, anaknya Fāṣah, isterinya Sofiat Bint Abi 'Abd Harīth Ibn Wahab, Muḥab Ibn Abi Wada'ah, 'Ummu Muḥabīr al Anṣarīyah, 'Abd Raḥmān Ibn Harīth Ibn Hishām, 'Abd Allāh Ibn Saḥwan Ibn 'Umayyah, Musab Ibn Rafī' dan Suwat al Khazā'i.

2.4. Kesusasteraan (r. a.).

Hafṣah mewarisi kepintaran orang orang Arab Jahiliyyah di bidang kesusasteraan. Ini adalah kerana sejak dari kecil lagi beliau diajar dengan kesusasteraan dan ilmu pengetahuan.

Antara keindahan bahasanya dapat dilihat ketika-mana diucapkan ketika kewafatan ayahnya:

Segala pujian bagi Allāh yang tidak ada penyaian yang menyamainya, zat yang tidak ada sekutu, sungguh sangat menghairankan, kaum engkau yang pekerjaannya dikuasai oleh shaitan, yangmana shaitan itu menegakkan tali talinya untuk memperdayakan mereka, sehinggalah musuh musuh Allāh mencita citakan untuk menhidupkan bid'ah, menggali fitnah dan memperbaharui ke-adilman setelah dilenyapkan dan menenangkannya setelah dihapuskan.

2.15. Kewafatan Hafṣah (r. 'a.).

Terdapat perselisihan tentang terikh kewafatan Hafṣah. Ada yang mengatakan bahawa beliau meninggal pada bulan Sha'ban tahun 45 hijrah di masa pemerintahan Mu'awiyah Ibn Abī Suffian⁹² ketika berumur 60 tahun. Ada juga yang mengatakan beliau meninggal pada tahun 47 hijrah, ada juga yang mengatakan pada tahun 47 hijrah. Ada juga berpendapat beliau meninggal pada tahun 50 hijrah⁹³ ia itu ketika bai'ah Ḥassān Ibn 'Alī kepada Mu'awiyah⁹⁴ dan ada juga yang berpendapat beliau meninggal pada tahun 27 hijrah.⁹⁵

Walaupun bagaimanapun kebanyakan ahli sejarah mengatakan beliau meninggal pada bulan sha'ban tahun 45 hijrah dalam keadaan berpuasa. Jenazah beliau telah dikuburkan di Baqi'.⁹⁶

⁹² Ibn al Jūzī, 'Abd Raḥmān, Uyūn al Turīkh wa al Sīr, (Kuhīrah: Numuzjiyat, t.t.) h. 21.

⁹³ Ibn al Qastinī, Abū 'Abbās 'Aḥmād, al Wafiat, (Beirut: Dār al Afāq al Jadidah, 1978) h. 21.

⁹⁴ Al 'Asqalāni, Shihabuddīn Abū Fadl, Op. cit.

⁹⁵ Ibid.

⁹⁶ al Bābili, Op. cit.

Para sahabat telah mengiringi jenazah beliau dan bergilir gilir membawanya. Marwan telah memikul jenazannya dari Dār al Mughirah dan Abi Hurairat membawanya dari Dār al Mughirah ke kuburnya. Manakala saudaranya 'Abd Allāh Ibn 'Umar bersama Asim Ibn 'Umar, Salīm, 'Abd Allāh dan Hamzah Ibn 'Abd Allāh turun ke liang lahat untuk menyambut dan meletak jenazah beliau.

97

38

Kewafatan beliau tanpa meninggalkan seorang zuriat, lalu beliau mewasiatkan kepada saudaranya Ibn 'Umar supaya mensedekahkan segala harta di Ghabbah.

98

Demikianlah riwayat hidup Ummu al Mu'minin Hafṣah yang banyak memberi teladan kepada kita. Semoga Allāh mencucuri rahmat keatas rohnya.

97

'Abd Malīk Ibn Huseyn Ibn 'Abd Malīk, Samt Nujūm al 'Awālī, (Kahīrah: al Salfīat Wa Maktubah, 1465 H⁷ h. 282.

98

Ibn al Athīr, Izz al dīn Hasan, al Kāmil fī Tārīkh, J. ii (Beirut: Dār Sadir, 1979) h. 308.

99

Ibn al Athīr, Izz al Dīn, Op. cit. h. 27.